

四部叢刊

水經注(二)

53

四部叢刊初編史部

水經注

二

卷十九至卷四十

水經注卷十九

後 魏 酈 道 元 撰

渭水

案近刻作渭水下經文上復衍渭水二字

又東過槐里縣南又東澇水從南來注之

渭水逕縣之故城南漢書集注李奇謂之小槐里縣

之西城也

案近刻脫縣字

又東與芒水枝流合水受芒水于

竹園東北流又屈而北入于渭

案近刻脫北字

渭水又東北

逕黃山宮南

案此十字原本及近刻並訛作經考黃山宮及就水田溪水皆在槐里縣西不

得與經淆案今改正

卽地理志所云縣有黃山宮惠帝二年起

者也

案二近刻訛作三

東方朔傳曰武帝微行西至黃山宮

故世謂之遊城也

案近刻也上有非字衍

就水注之

案此四字原本及近

刻並訛作經

水出南山就谷北逕大陵西世謂之老子陵

昔李耳爲周柱史以世衰入戎于此有冢事非經證

然莊周著書云老聃死秦失弔之三號而出是非不

死之言人稟五行之精氣陰陽有終變亦無不化之

理以是推之或復如傳古人許以傳疑故兩存耳就

水歷竹園北

案近刻脫竹字

與黑水合水上承三泉

案近刻脫水字

三訛作二

就水之右三泉奇發言歸一瀆北流左注就水

案注近刻就水又北流注于渭渭水又東合田溪水

訛作逕案此八字原本及水出南山田谷北流逕長楊宮西

近刻並訛作經案近刻又北逕鰲屋縣故城西又東北與一水合水

脫逕字上承鰲屋縣南源案近刻訛作鰲屋南南泉北逕其縣東又北逕

思鄉城西又北注田溪田溪水又北流注于渭水也

縣北有蒙龍渠案近刻訛作縣苑有蒙龍源上承渭水于郿縣東

逕武功縣爲成林渠案此有脫誤漢書地理志右扶風郿下云成國渠首受渭東北

至上林苑東逕縣北案近刻訛亦曰靈軹渠案渠近

爲蒙龍渠源河渠書以爲引堵水案近刻脫徐廣曰一作諸川

案近刻訛作水是也渭水又東逕槐里縣故城南案此十一字原本及

近刻訛作經今考小槐里至此乃經所謂過槐里縣南也縣古犬丘邑也周懿

王都之案懿近刻秦以為廢丘亦曰舒丘中平元年

靈帝案中平近刻訛作和封左中郎將皇甫嵩為侯

國縣南對渭水北背通渠史記秦本紀云秦武王三

年渭水赤三日秦昭王三十四年渭水又大赤三日

洪範五行傳云赤者火色也水盡赤以火沴水也渭

水秦大川也陰陽亂秦用嚴刑敗亂之象後項羽入

秦封司馬欣為塞王都櫟陽董翳為翟王都高奴章

邯爲雍王都廢丘爲三秦漢祖北定三秦引水灌城

遂滅章邯三年改曰槐里王莽更名槐治也世謂之

爲大槐里晉太康中始平郡治也其城遞帶防陸舊

渠尚存卽漢書所謂槐里環堤者也東有漏水

案漏近刻

作出南山赤谷東北流逕長楊宮東宮有長楊樹因

以爲名漏水

案近刻訛作渭水

又北歷葦圃西

案近刻訛作逕葦圃西

亦謂之仙澤又北逕望仙宮又東北耿谷水注之水

發南山耿谷北流與柳泉合東北逕五柞宮西長楊

五柞二宮

案近刻脫此七字

相去八里竝以樹名宮亦猶陶

氏以五柳立稱故張晏曰宮有五柞樹在盩厔縣西

其水北逕仙澤東又北

案近刻訛作北又

逕望仙宮東又北

與赤水會又北逕思鄉城東又北注渭水渭水又東

合甘水

案此七字原本及近刻並訛作經

水出南山甘谷北逕秦文

王賁陽宮西又北逕五柞宮東又北逕甘亭西在水

東鄠縣昔夏啓伐有扈作誓于是亭故馬融曰甘有

扈南郊地名也

案甘字近刻訛在扈字下

甘水又東得澇水口水

出南山澇谷北逕漢宜春觀東又北

案又字近刻訛在東字上逕

鄠縣故城西澇水際城北出合美陂水水出宜春觀

北東北流注澇水澇水北注甘水而亂流入于渭

案近

刻脫澇水二字又脫注甘水而亂五字

卽上林故地也東方朔稱武帝

建元中微行北至池陽西至黃山南獵長楊東遊宜春夜漏十刻乃出與侍中常侍武騎待詔及隴西北地良家子能騎射者期諸殿下故有期門之號旦明入山下馳射鹿豕狐兔手格熊羆上大驩樂之上乃使大中大夫虞丘壽王

案乃近刻訛作仍

與待詔能用算者舉籍阿城以南盤厓以東宜春以西提封頃畝及其賈直屬之南山以爲上林苑東方朔諫秦起阿房而

天下亂因陳泰階六符之事上乃拜大中大夫給事中賜黃金百斤卒起上林苑故相如請爲天子遊獵之賦稱烏有先生亡是公而奏上林也

又東豐水從南來注之

豐水出豐溪西北流分爲二水一水東北流爲枝津一水西北流又北交水自東入焉又北昆明池水注

之又北逕靈臺西又北至石墩注于渭

案近刻脫此五十五字

地說云

案地近刻訛作他

渭水又東與豐水會于短陰山內

水會無他高山異巒所有惟原阜石激而已水上舊

有便門橋與便門對直武帝建元三年造

案近刻訛作建武三

年張昌曰橋在長安西北茂陵東如淳曰去長安四

十里渭水又逕太公廟北廟前有太公碑

案近刻脫廟字文

字礪缺今無可尋渭水又東北與鄠水合

案此九字原本及近

刻並訛作經

水上承鄠池于昆明池北周武王之所都也

故詩云考卜維王宅是鄠京維龜正之武王成之自

漢武帝穿昆明池于是地

案近刻脫武字

基構淪礪今無可

究春秋後傳曰使者鄭容入柏谷關至平舒置見華

山有素車白馬問鄭容安之答曰之咸陽車上人曰

案近刻訛作
過鎬池曰

吾華山君使願託書致鄩池君子之咸

陽過鄩池見大梓下有文石取以款列梓

案列近刻
訛作扣

當有應者以書與之勿妄發致之得所欲鄭容行至
鄩池見一梓下果有文石取以款梓應曰諾鄭容如
睡覺而見宮闕若王者之居焉謁者出受書入有頃

案近刻訛
作又見頃

聞語聲言祖龍死神道茫昧理難辨測故

無以精其幽致矣鄩水又北流西北注與澎池合水
出鄩池西而北流入于鄩毛詩云澎流浪也而世傳
以爲水名矣鄭玄曰豐鄩之間水北流也鄩水北逕

清泠臺西

案清泠近刻訛作漢靈

又逕磁石門西門在阿房前

悉以磁石爲之故專其目令四夷朝者有隱甲懷刃

入門而脅之以示神故亦曰卻胡門也鄠水又北注

于渭

案注近刻訛作逕

渭水北有杜郵亭去咸陽十七里今

名孝里亭中有白起祠嗟乎有制勝之功慚尹商之

仁是地卽其伏劍處也渭水又東北逕渭城南

案此九字

原本及近刻並訛作經

文穎以爲故咸陽矣秦孝公之所居離

宮也獻公都櫟陽天雨金周太史儋見獻公曰周故
與秦國合而別別五百歲復合合七十歲而霸王出

至孝公作咸陽築冀闕而徙都之故西京賦曰秦里

其朔

案朔近刻訛作霸

寔為咸陽太史公曰長安故咸陽也

漢高帝更名新城武帝元鼎三年別為渭城在長安

西北渭水之陽王莽之京城也始隸扶風後并長安

南有沔水注之

案此六字原本及近刻並訛作經沔並訛作沈下同考鄭縣東別有沔水

此乃沔水也為關中八川之一從穴不從宀

水上承皇子陂于樊川

案水字上

近刻衍其字

其地即杜之樊鄉也漢祖至櫟陽以將軍樊

噲灌廢丘最賜邑于此鄉也其水西北流逕杜縣之

杜京西

案逕近刻訛作注

西北流逕杜伯冢南杜伯與其友

左儒仕宣王儒無罪見害杜伯死之終能報恨于宣
王故成公子安五言詩曰誰謂鬼無知杜伯射宣王
泐水又西北逕下杜城卽杜伯國也泐水又西北枝
合故渠渠有二流上承交水合于高陽原而北逕河
池陂東而北注泐水泐水又北與昆明故池會又北
逕秦通六基東又北逕竭水陂東又北得陂水水上
承其陂案近刻訛作得陂承其陂東北流入于泐水泐水又北逕
長安城西與昆明池水合水上承池于昆明臺故王
仲都所居也桓譚新論稱元帝被病廣求方士漢中

送道士王仲都詔問所能對曰能忍寒暑乃以隆冬

盛寒日令袒載駟馬于上林昆明池上環冰而馳

案近

刻脫隆冬至上林十三字

御者厚衣狐裘寒戰而仲都獨無變色

臥于池臺上矐然自若夏大暑日使曝坐環以十爐

火不言熱又身不汗池水北逕鄠京東秦阿房宮西

史記曰秦始皇三十五年以咸陽人多

案人上近刻有之字

先

王之宮小乃作朝宮于渭南亦曰阿城也始皇先作

前殿阿房可坐萬人下可建五丈旗周馳爲閣道自

殿直抵南山

案抵下近刻衍城字

表山巔爲闕爲複道自阿房

度渭屬之咸陽象天極閣道絕漢抵營室也關中記
曰阿房殿在長安西南二十里殿東西千步南北三
百步庭中受十萬人其水又屈而逕其北東北流注
竭水陂陂水北出逕漢武帝建章宮東于鳳闕南東
注泐水泐水又北逕鳳闕東三輔黃圖曰建章宮漢
武帝造周二十餘里千門萬戶其東鳳闕高七丈五
尺俗言貞女樓案貞近刻訛作真非也漢武帝故事云闕高
二十丈關中記曰建章宮圓闕臨北道有金鳳在闕
上高丈餘故號鳳闕也故繁欽建章鳳闕賦曰案鳳下近